

Bosna i Hercegovina
Federacija Bosne i Hercegovine
KANTON SARAJEVO
Ministarstvo komunalne privrede,
infrastrukture, prostornog uređenja,
građenja i zaštite okoliša



Босна и Херцеговина
Федерација Босне и Херцеговине
КАНТОН САРАЈЕВО
Министарство комуналне привреде,
инфраструктуре, просторног уређења,
грађења и заштите околиша

Bosnia and Herzegovina
Federation of Bosnia and Herzegovina
CANTON SARAJEVO
Ministry of Communal Economy, Infrastructure, Physical
Planning, Construction and Environmental Protection

Broj: 05-04-8156-4/23
Sarajevo, 27.04.2023. godine

SKUPŠTINA KANTONA SARAJEVO

STRUČNA SLUŽBA VLADE KANTONA SARAJEVO

SLUŽBA ZA SKUPŠTINSKE POSLOVE

PREDMET: Odgovor na zastupničku inicijativu zastupnice Sanele Klarić, dostavlja se, -
VEZA: Vaš akt broj: 01-04-8156-4/23 od 29.03.2023. godine

Aktom, broj i datum veze, Ministarstvu komunalne privrede i infrastrukture, prostornog uređenja, građenja i zaštite okoliša Kantona Sarajevo, dostavljena je zastupnička inicijativa koju je uputila zastupnica Sanela Klarić na šestoj radnoj sjednici Skupštine Kantona Sarajevo, održanoj dana 29.03.2023. godine.

Shodno naprijed navedenom, Ministarstvo komunalne privrede i infrastrukture, prostornog uređenja, građenja i zaštite okoliša Kantona Sarajevo daje sljedeći:

- ODGOVOR -

Obzirom na kompleksnost upućenih inicijativa, te da se iste odnose na više različitih oblasti, čijom bi se realizacijom značajno doprinijelo poboljšanju stanja u oblasti okoliša u Kantonu Sarajevo, ministarstvo podržava iste, a njihova realizacija zavisi od važećih zakonskih propisa i finansijskih sredstava, uvažavajući nadležnosti ovog ministarstva, kao i Ministarstva privrede Kantona Sarajevo i drugih nivoa vlasti u BiH.

Ministarstvo će nastaviti provoditi Projekte povećanja energijske efikasnosti kako u javnim objektima tako i objektima individualnog i kolektivnog stanovanja.

Certificiranje objekata nad kojima su provedene mjere povećanja energijske efikasnosti u okviru Projekata koje realizuje ministarstvo, se provodi u skladu sa Zakonom o energijskoj efikasnosti u Federaciji BiH ("Službene novine FBiH broj: 22/17).

U okviru Modela EE koji provodi Ministarstvo kroz energetski audit se daju scenariji za povećanje energetske efikasnosti, koji, u zavisnosti od stanja objekta trenutnog energenta, za proizvodnju



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-086, Fax: + 387 (0) 33 562-177
Web: <http://mkipgo.ks.gov.ba>, E-mail: mkipgo@mkipgo.ks.gov.ba

toplotne energije, obuhvataju mjere na vanjskoj ovojnici, stolariji, tavanskim prostorima, podrumskim prostorima i mašinskim instalacijama, odnosno promjeni energenta sa potrebnom instalacijom, a koji je ekološki prihvatljiv.

Model EE je propisao obavezu promjene energenta i mašinskih instalacija ukoliko je energent ugalj, i ista se provodi.

Ministarstvo je apsolutno svjesno potrebe za iznalaženje novih izvora energije, kao što su obnovljivi izvori, ali je evidentno da trenutna platežna moć stanovništva nije na tom nivou, što je uočeno kroz iskustva stečena implementacijom Modela EE, gdje se vlasnici objekata, upravo zbog ograničenih finansijskih mogućnosti, odlučuju za minimalne mjere energetske efikasnosti, prioritarno vanjska ovojnica objekta i zamjena stolarije, gdje se manjim ulaganjima postižu vidljive uštede.

Također, propisi iz oblasti proizvodnje i distribucije električne energije su u nadležnosti Federacije.

Upravljanje otpadom u Kantonu Sarajevo se provodi, u skladu sa federalnim Zakonom o upravljanju otpadom („Službene novine Federacije BiH“ br. 33/03, 72/09 i 92/17), tako da obavezna mjera upravljanja otpadom uz minimalno 50% recikliranja ili ponovnog korištenja građevinskog otpada, nije utvrđena navedenim federalnim propisom.

Inicijativa uvođenja zelenih javnih nabavki također se može realizovati izmjenom Zakona o javnim nabavkama Bosne i Hercegovine ("Službeni glasnik Bosne i Hercegovine", br. 39/2014 i 59/2022), što je u nadležnosti države BiH.

Inicijativa uvođenja obavezne mjere proizvodnje električne energije iz obnovljivih izvora energije za potrebe objekata može se realizovati izmjenom Zakona o električnoj energiji FBiH ("Službene novine FBiH", br. 66/2013, 94/2015, 54/2019, 1/2022 i 61/2022).

Zakon o zaštiti okoliša ("Službene novine FBiH" broj: 15/21), kao krovni zakon bavi se zaštitom svih segmenata okoliša, pa tako i zaštitom zraka, ali u prirodnom okruženju, a ne u zatvorenom prostoru.

Ističemo da je ovim zakonom definisan "okoliš", i da, prema definiciji, predstavlja prirodno okruženje ljudi, životinjskog i biljnog svijeta...

Prema federalnom Zakonu o zaštiti zraka ("Službene novine FBiH" broj: 33/03 i 4/10) u članu 2. jasno se navodi definicija pojma "zrak" koji je predmet ovog zakona. Naime, zrak- znači spoljni zrak u atmosferi, ne uključujući radne prostorije.

Odgojno obrazovne ustanove, kao i sve ostale institucije predstavljaju radni prostor u kojim se obavljaju predviđene radne aktivnosti.

Iz tog razloga pravni osnov za realizaciju navedene inicijative prečišćavanja zraka u prostorijama bi trebao biti Zakon o zaštiti na radu, a voditelj Projekta Ministarstvo za rad, socijalnu politiku, raseljena lica i izbjeglice KS.

Na kraju, napominjemo da će ovo ministarstvo u skladu sa svojim mogućnostima, koje se odnose na našu nadležnost i predviđeni budžet raditi na ispunjavanju onih inicijativa za koje smo nadležni i za koje imamo pravni osnov.

S poštovanjem,

Dostaviti:

1. Evidencija
2. Naslov
3. Arhiva.

